

信用卡被盜用 「前線科技」屈支付寶

網民恥笑唔識網上交易 影衰IT從業員



反對派攻擊內地無所不用其極，甚至連支付寶這種便民的科技也被抹黑。被擲為立法會資訊科技界議員莫乃光隻「狗」的「前線科技人員」昨日出post，聲稱自己接獲信用卡公司以短訊通知，他通過支付寶（香港）進行了多筆交易，但他從未申請過支付寶，並據此「懷疑」支付寶（香港）的流程「存在嚴重安全漏洞」。不過，帖子一出，即被熟悉網購的網民批評，事件明顯是他的信用卡被盜用，同類問題同樣在其他網上支付平台發生，「前線科技人員」單單針對支付寶是故意抹黑。「前線科技人員」其後再發帖辯稱人哋「誤解」佢，但就死雞撐飯蓋稱支付寶的認證流程，「同其他電子錢包相比有咁嚴謹」云云。 ■香港文匯報記者 陳川



「前線科技人員」昨日出post，「懷疑」支付寶（香港）的流程「存在嚴重安全漏洞」。

「前線科技人員」昨日發帖，稱專頁的「小編」在本月19日上午接獲信用卡公司的電話短訊通知，他有多筆交易記錄，涉及的商戶是支付寶（香港）。「小編從來沒有安裝支付寶（香港），馬上察覺信用卡資料可能被人盜用，故火速致電信用卡中心取消信用卡。……電話再獲兩個短訊，今次是信用卡以SMS發送的認證密碼，顯然騙徒所過數的金額已觸及二段認證的額度，故這兩個交易未能成功過數。」

他續稱，是次事件令他懷疑支付寶（香港）的流程「存在嚴重安全漏洞」，包括「開啟支付寶（香港）戶口只需要電話號碼以接收短訊確認，完全不需要任何其他個人資料」、「綁（綁）定信用卡只需要信用卡號碼，到期日及卡後的安全碼，完全不需要任何其他個人資料」、「支付寶（香港）對新增信用卡的首次交易，並沒有要求信用卡以二段認證身份」等等。

「前線科技人員」最後稱：「騙徒單憑信用卡上的資料已經可以成功過數並消費

數以千元，而開戶過程不需任何個人資料亦令警方事後難以追查。即使最後有關的損失由信用卡公司或支付寶（香港）負責，受害人亦要花上不少時間及精神去申訴及處理。……我們前線科技人員認為金管局及警方應從速行動，檢討並統一類似的電子錢包的認證要求，以保障市民的財產安全。」

本來，加強網絡安全無論如何都係一件好事，但「前線科技人員」嘍位「小編」，就單單針對支付寶來講。不少有豐富網購經驗的網民，留言狠批「前線科技人員」誤導，指大部分網購平台，例如ebay、amazon等等，盜用信用卡者只要輸入卡中資料，都可以毋須經過驗證就能成功購物，故事件的關鍵是「小編」的信用卡被盜用，根本與支付寶無關，仲狠批佢對網上平台交易毫不了解，「你講乜自己係科技前線人員呢。」（見表）

專家：事件與銀行關係較大

香港資訊科技商會榮譽會長方保僑在接受傳媒訪問時也指，他曾用信用卡測試，

發現倘用一個未有在銀行信用卡登記的手機號碼，就不能完成登記程序，故懷疑是次事件與銀行的關係較大，反而支付寶非主因。

該「小編」被打臉後稱，如果支付寶（香港）戶口綁定的是中銀信用卡時，需要持卡者的電話號碼驗證，但如果綁定的是匯豐、恒生或渣打，皆無該項要求，又改口謂「不是支付寶程式有保安漏洞」，而是「支付寶與信用卡公司，或與客人身分（份）認證的流程有問題」。

佢其後又發帖，話人哋誤會咗佢篇帖文，話「今次嘅問題係出嚟支付寶綁定信用卡認證流程，同其他電子錢包相比，支付寶係有咁嚴謹」，但承認「用唔用SMS做雙重認證，係發卡銀行同埋支付寶兩者共同決定，所以公道講句，應該話兩者都有責任」。

「Stephen Wong」就留言擲揶：「一開始就話乜嘢（支付寶）唔使提供其他個人資料綁定信用咭（卡），搞左（咗）大半日先知自己錯重點呀？下次唔識就咪亂講，影衰晒IT從業員。」

網民踢爆

劉家銘：你上網俾（界）錢夠唔洗（使）人身份認證，例如google play俾（界）錢，有信用卡資料就得啦。個問題根本就係你信用卡被盜。

Marcus Cheung：其實所有交易平台都係咁，而通知可疑交易，係由發卡銀行做，唔係個平台做的。

Tsang Man Fai：最大問題係樓主冇好好保管信用卡資料，被盜用就怪罪支付寶……

Grace Li：即係原本已經有騙徒知你信用卡號碼，到期日同安全碼？咁唔止支付寶啦，條友上ebay amazon或任何網上付款都可以碌到你張卡呀！

York Tsang：你講乜自己係科技前線人員呢，system又唔知，真正既（嘅）漏洞又指錯地方，你夠薑講你信用卡，expiry（expiry）date, cvc 同姓名出黎（嚟），我應承唔用支付寶，都可以害你所有錢消失。

Gary Gopanda Tong：唔該你測試埋其他付款平台，如發現很多平台都有類似問題，應該指出是現時付款平台的問題，不單止支付寶甚至微信支付。

Hov Hkday：好多網購都淨係要（信用卡）到期日 cvc 就過到數，真心唔關支付寶事……

Chan Tze Him：鬧中資唔係問題，但擺明樓主係比（俾）人盜用信用卡，佢呢個情況係咩資都會發生。有point地鬧，我諗冇人會認同。

Alick Wong：呢位前線科技人員真係夠前線，連網上購物要乜資料做authentication都未知就小人。

製表：香港文匯報記者 陳川



根本冇人龍，何來龍頭呢？香港文匯報讀者供圖



「噢，左邊好多人？但佢哋係買咗其他書等緊畀錢的人呢。」香港文匯報讀者供圖

簽書小貓三四隻 河童丟架

今日之星

每年一度書展，唔少政客都會出書爭取吓曝光率。「香港眾志」秘書長河童（黃之鋒），就嘅書展期間出咗本佢因衝擊政府總部而坐監期間所寫嘅書，昨日搞簽名會。有香港文匯報讀者咁啱行過，可能河童以為自己真係好受歡迎，簽書時一定會大排長龍，所以係攤位搵人攞住寫咗大大隻字「龍頭」、「龍尾」嘅直幅。

不過，現場所見，搵佢簽書嘅只得小貓三四隻，旁邊係有條人龍呀，但係佢哋係買咗其他書排隊畀錢嘅呢。

見到咁咁，個「龍頭」牌即刻就去咗喇邊，想營造多人買河童書嘅假象。唉，真係所謂「面係人哋畀，架係自己丟」。

■香港文匯報記者 陳川

深切悼念

客家之光 田家炳大紫荊勳賢

萬世可風 典範長存



香港客屬總會
Hong Kong Hakka Associations

暨全體同仁 敬輓